

## Braćni par Vujić; nestao na putu iz Igala prema Banjoj Luci

07/09/2009 09:57 by Administrator

Nestanak prijavila kćerka, koja je navela da se s roditeljima posljednji put 2. septembra... Mlada Banjalučanka je tokom vikenda policiji prijavila nestanak roditelja koji su joj se posljednji put javili 2. septembra i rekli da iz Igala kreću prema Banjoj Luci. Od tada im se gubi svaki trag, nezvanično nam je potvrđeno u policiji.

### Bili na ljetovanju

Rodbina djevojke i nestalih insistira da se mediji na svaki način isključe iz istrage. Nezvanično saznajemo da se radi o braćnom paru Savi i Borislavu Vujiću, a da je nestanak prijavila njihova kćerka Rada, koja je u porodici kućerka bila sa sestrom Nadom.

Crnogorskoj policiji je također poznato da je jedan braćni par, koji je boravio na ljetovanju u Igalu do 2. septembra, u RS prijavljen kao nestao. Nestanak je prijavljen u subotu navečer, a općirnu istragu provode pripadnici MUP-a RS i Crne Gore, koji rade na provjeri osnovnih podataka o tome gdje su tačno odsjeli ovi Banjalučani, kada su se odjavili u Crnoj Gori i kojim putem su krenuli prema Banjoj Luci.

Naš izvor navodi da je nezahvalno izlaziti s bilo kakvim predviđanjima u ovakvim situacijama, ali za sada isključuje mogućnosti saobraćajne nesreće ili stradanja ovog para.

Saznali smo jučer da komšije Vujiće poznaju kao uzornu i čestitu porodicu, ali i da ne mogu naslutiti zbog čega bi im neko mogao nauditi.

Ulažu se maksimalni naponi meću policijom da se što prije identificira teren kojim su krenuli supružnici i pronađe što više podataka, kako bi obimna pretraga konkretnog terena uslijedila. Obavljeni su razgovori s djecom i osobama koje su bile u kontaktu s Vujićima. Niti jedan od ovih podataka jučer nisu željeli komentirati u policiji, baš kao ni informaciju, jer nemaju odobrenje rodbine da se oglase.

### Nelogični podaci

Inače, jučer nam je u policiji potvrđeno da je u RS posljednjih nekoliko mjeseci prijavljen 31 nestanak, od čega je pronađeno 20 živih i sedam mrtvih osoba. Još su alarmantniji podaci iz prošle godine, kada je, kako saznajemo, nestala 101 osoba, od čega je pronađeno 66 ljudi, ali i čak 24 leđa.

Kod ove oblasti istražitelji vrlo dozirano izlaze s informacijama u javnost, ali najveći broj prijavljenih nestanaka registriran je na području Banje Luke, a najmanje, zapravo niti jedan slučaj, u Trebinju. Prilično je teško raditi na polju nestanka i pronalaska lica, kaže naš sagovornik, upravo zato što nestanak ne mora značiti kriminalnu pozadinu, već i psihičke probleme osobe ili nesrećene porodične odnose.

Zakonski, potraga za nestalim, čak i ako nema rezultata, ne može se obustaviti ni deset godina od pokretanja istrage, no, nismo jučer uspjeli dobiti odgovor u banjalučkoj policiji koliko je dakle predmeta ili nestalih lica za kojima se na ovom području traga itavu deceniju. Ono što javnost BiH, a zasigurno i šire, pamti kao nevjerovatnu misteriju su slučajevi Sabine Milojević, Deana Malić i Ratka Makarić. Koliko su ovi primjeri potresni, jednako su i prepuni nelogičnim podacima.

## Nasilna smrt

Sabina Milojević (20), studentica prve godine Medicinskog fakulteta u Banjoj Luci, 9. marta 2007. godine oko 20.45 sati krenula je na sastanak s prijateljicom. Napisala joj je poruku da će kasniti 15 minuta, ali se na zakazanom mjestu nikada nije pojavila. Tek 11. aprila u Vrbasu je pronađeno njeno tijelo. Iz Kliničkog centra je saopćeno da se radi o nasilnoj smrti. U svakom slučaju, policija je odmah isključila mogućnost ubistva, ali još nikada nije ni razriješen način i uzrok smrti.

## Potruga u Vrbasu

Dean Malić (9) posljednji put je viđen u julu 2005. godine, kada se s drugovima igrao uz Vrbas. Na stotine profesionalaca ubrzo je počelo tragati rijekom, ali tijelo djeteta nikada nije nađeno. Majka djeteta u julu ove godine nestanak sina ocijenila je misterioznim, ističući da i dalje vjeruje da je živ.

Bez vijesti o Makariću Ratko Makarić (4) iz Potkozarja nestao je 16. jula 2007. godine, kada je i posljednji put viđen na području sela Josipovići. Toga dana djetak je zajedno sa stricem Oliverom otišao da napoji stoku. Stric ga je nakratko ostavio na jednom proplanku, ali kada se vratio na to mjesto Ratka nije bilo. Za njim je, pored rodbine, tragalo više stotina policajaca. Ni danas nema niti jednog podatka o nestanku djeteta, a porodica vjeruje da je kidnapiran.

Autor: V. STEVANOVIĆ

Izvor vijesti: Dnevni Avaz